

Ingoa: _____

Rangi: ____/____/____

Mā Te Pukumahi Ka Ora

nā Oho Kaa

Kahukura

Ko Kiore e whakaputu rākau ana. Ka haere mai a Tuatara. “Tino pukumahi koe, Kiore. He aha tō mahi?” Kāore a Kiore i kōrero. Ka mahi tonu ia. Nā, ka whakaputu rākau hoki a Tuatara.

Ka haere mai a Wētā. “Tino pukumahi kōrua. He aha tā kōrua mahi?” Kāore rāua i kōrero. Ka mahi tonu rāua. Nā, ka whakaputu rākau hoki a Wētā.

Ka haere mai a Werī, ā, ka haere mai a Pūngāwerewere. “Tino pukumahi koutou. He aha tā koutou mahi?” Kāore rātou i kōrero. Ka mahi tonu rātou. Nā, ka whakaputu rākau hoki a Werī rāua ko Pūngāwerewere.

Ka rere mai te rangatira, ko Ruru. “Kia ora koutou. Tino pukumahi koutou. Ka nui ēnā rākau. Mā wai ngā rākau e tari, e whakatū, e whakamau hoki?” “Māku e tari,” te kī a Tuatara. “Māku e whakatū,” te kī a Werī. “Māku e whakamau,” te kī a Pūngāwerewere.

Kāore i roa, kua tū te tino whare o te ao. Ka kī a Ruru, “Kua ora tātou mō te hōtoke i nāianeī.” Ko rātou ēnā e waiata ana, e tino harikoa ana. Ko Ruru e menemene ana, ka kī, “Āe, mā te pukumahi ka ora.”